

„ARUBAANSE COURANT“
diariamente cu excepccion di
diadomingo.

subscription f. 3.25 pa luna.
edicion los 20 ct.

edita pa:
N.V. Arubaanse Drukkerij- en
Uitgevers- en Publiciteits Mij.
Nassaustraat 85 O'Stad Aruba N.A.

imprimi na:
N.V. Drukkerij „De Stad“
Theaterstraat 11, Willemstad Curacao

Telefoon 1116 Directiva y redaccion.
2116 Anuncio y subscripcion.
Directeur hoofdredacteur: D. Wolff.

ARUBAANSE COURANT



Diario pa



Aruba



optica moderna

SPRITZER + FUHRMANN

Anja 23

DIARAZON 27 DI MAART 1963

Na. 4600

Colegio Arubano a worde bendiciona bao di un interes enorme

**Min. Petrona: „H.B.S. ta un di e
proyectonan di mas principal“**

ORANJESTAD, 26 maart. — „Cu e bendicionamen-
to di e schaal aki, a worde muestra cu Dias tin un lugar den
e school aki, v cu aki nan sa cu farmamenta religioso ta e
levadura pa e farmamenta cientifica“, asina e abispo di
Willemstad, Mgr. J.R. Halterman a bisa dialuna mainta,
despues cu el a bendiciona e H.B.S. di Aruba, Colegio
Arubano. Despues di e ceremonia unda tur e representan-
tenan di e diferente klasnan a camna hunta cu e obispo
rond den e schaal tur e presentenan a bai na e Centra Cul-
tural, pa tende algun discursu. Ayanan Jan Veneman a
entrega e directiva di e schaal un pintura na number di e
organizacion di e alumnonan, cu a worde pinta pa Nigel
Mathew, un di e alumnonan di e H.B.S. Esaki ta un deco-
racian pa e schaal.

Na entrada di Colegio Arubano e
decanan di e huespednan cu a bi-
shita e school a worde yama bon bi-
ni pa senjor F.J. Tromp na number
di e directiva di e colegio y na nom-
ber di e directore J. van Gompel. Pa-
den den e hal tabatin un „koo“ di
e concursantenan pa maestro of
maestra di Colegio Arubano cu a
worde dirigi pa senjor L.P. Vermeu-
len.

Mientras cu e obispo tabata dren-
ta nan a canta „Ecco Sacerdos“. Es-
aki a worde ricibi door di Mgr. Hol-
terman para y tambe pa e diferente
huespednan e.o. senjor N. Debrat
Gobernador di Antillas, minister E.
D. Petrona, moedere vicaria Edel-
berta di e zusterian Dominicanese,
e subprior zuster Meletia, cabezante
di Maria College, zuster Dorothea,
pastoor N. Erkamp, frere director
pastoor N. Erkamp, frere director
y J.A. Visser, gezaghebber interino
I.S. de Cuba, deputado F. Wernel,
secretario di territorio insular, presi-
dente di Lago W.A. Murray, hefe di
Public Relations di Lago E. Bving-
ton, inspector di ensenjanza T. Sprack-
kel, adjunct inspecteur F.B. Tromp,
hefe di departamento di ensenjanza
di bestuurskantoor A.J.M. Poppe,
senjor B. Croes, un di e directornan
di e firma di contratista cu a traha
e school y senjor Jan H. Beaujon.

E bendicionamento

Despues di canto a sigui e ceremo-
nia di bendicionamento. Asisti pa e
pastoor Eskamp, pastoor Copray y
su secretario pader dr. C.J. Mickling-
hoff, e obispo a camna rond cu su
mijter door di e enorme edificio.
Manera a worde bisa, el a worde a-

promer edificio di e H.B.S. E obispo
a aprecia e school nobo, cu ta ma-
sha util pa su proposito.

„E hobentud mester hanja e oportu-
nidad pa coopera cu e desaroy di Aru-
ba y pa haci Aruba cultural ariba su
mes.“ E obispo a muestra cu tin sin-
janza religioso ta keda e basdi di un
farmamento moral di e hobentud. „E
elevamento berdadero di un pueblo tin
un fundeshi religioso y biho.“ „For
di religion nos ta saka e forza necesi-
ario pa tur bondad.“ „Cu e bendiciona-
mento aki a worde muestra, cu Dias tin
un lugar den e school aki y cu aki tin
e solidoria cu religion ta e levadura pa
e farmamento cientifico. E obispo a
anima e alumnonan pa no tuna e les-
nan di religion como un les en mester
worde sinja, pero pa biba esaki. „Na
e schoolnan menor ho ta sinja e prac-
ticamento di e religion, awor cu bo por
peusa pa ho mes ho mester mira e les-
nan di religion como algo pa yudabo
biba e creencia ariba ho mes.“

(Sigi lesa pag. 2)



Dialuna mainta Colegio Arubano a ser
bendiciona pa obispo J.R. Halterman. Aki
nos ta mira obispo hunta cu un delegacion
di alumnonan, bendicionando e terreno ex-
tenso.



E momento na unda mgr. Halterman | obispo pader dr. Micklinghoff, pader Cop-
ta bendiciona HBS. D.r.p.d. secretario di | ray, obispo y pastoor Erkamp.

Gobernador a duna regalo na Imeldahof

ORANJESTAD, 27 maart. — Des-
pues cu Gobernador N. Debrat a asiti
na e bendicionamento di Colegio Ari-
bano ayera mainta, el a haci un paseo
riba e isla en compania di su esposa.
Gezaghebber interino I.S. de Cuba y
hefe di servicio di Informacion N. Piña,
y na cual e familia Debrat a goza ma-

sha di e naisahe di Daimairi. Ayera
nochí Gobernador y senjora Debrat a
come lunch cu sr. Gene Barry, mana-
ger di Aruba Caribbean Hotel-Casino y
su esposa.

Tambe Gobernador a bishita ayera
sr. E.O. (Tom) Lampe y esposa. Sr.
Lampe for di basta tempo cuba ta ma-
y a keda masha sorpresa cu e bishita
aki. Aki tambe sr. J.C. (Padu) Lampe
tabata presente.

Imeldahof

Si Gobernador y esposa den pasado
a ofrece regulonan na e familia Debrat
durante nan prome bishita na Aruba.

dialuna anochi Gobernador na number
tamba di su esposa y su jiu mihor a
sorpresa sr. D. de Cuba-Yrausquin cu
un regalo durante e dinner den „De
Olde Molen“. Gezaghebber interino a
ricibi un regalo simbolico di Goberna-
dor den forma di un regalo pa un in-
stitucion social na Aruba. Esaki a ser
ofrece ayera mainta durante un bishita
na Imeldahof na e muchanan aya.

C. A. Eman

Ayera mainta Gobernador a ricibi ade-
mas sr. C.A. Eman den su hotel. El
tabatin un conversacion extenso cu e
abogado politico aki. Tambe el a ricibi
bishita di sr. Jan H. Beaujon, poseedor
di Zilveren Anier, presidente di Centro
Cultural Aruba y presidente di e Sticht-
ting Schouwburg. Ayera nochí pa seis
or Gobernador a ricibi un grupo di ha-
bitante di Aruba, cu ta desarolla activi-
dadnan riba terreno literario.

Jubileo di Senjor W. R. Van der Wal Arneman

ORANJESTAD, — Dialuna atardi,
mas o menos cuat'or y mei, a tuma lu-
gar na douane kantoor na Oranjestad e
ceremonia cu ta 25 anja pasa cu senjor
Willem Rudolf Van der Wal Arneman
a drenta servicio di gobierno. E com-
memoracion cu a worde asisti pa di-
ferente di e coleganan di senjor Arne-
man a tuma lugar den e oficina di
senjor H.W.J. van der Weide, Adjunct-
Inspecteur di Belastingen, kende no ta
bata presente pa motibo cu e tin di tuma
suegri. Senjor Arneman kende na e

nomeno ta houbé-Kommissie di belasting
a drenta servicio 25 anja pasa na Cu-
racao como hulp-kommissie di belasting.
Na e conmemoracion aki tabatin di-
ferente oradornan e.o. senjor S.D. Bruin
cu na e momento ta encarga cu e tra-
bajo di senjor van der Weide. El a elo-
gia senjor Arneman pa su servicio.
„Un homber correcto, semper cla pa
yuda otro. Como colega semper e ta
bata y ta un homber, cu kende ta un
gusto pa traha. E ta un di e persona-
nan cu ta traha duro pa e bida social

so. pa e cuerpo di douane“ segun sr.
Bruin.

Na number di gobierno senjor Bruin
a duna un envelope cu contenido y
tambe uno na number di e coleganan.
Despues a tuma palabra senjor L. Hart,
kende a jama senjor Arneman un bon
amigo y colega no na ora di trabao so,
pero tambe for di trabao. El a mustr
senjor Arneman como un chempio
na e hobentud pero tambe pa e bien-
nan. „E ta un homber bon y honesto“,
asina senjor Hart a bisa.

Senjor Arneman e ora ey a tuma
palabra y a gradici tur e presentenan
na nan presen-cia y tambe a gradici tur
su hefanan y coleganan, cu a yudé cu
e por a jega asina leu cu awe e ta
recorda cu di 25 anja en el a drenta
servicio di douane. Pa termina senjor
Van der Wal Arneman a invita tur e
presentenan pa tuma na e recepcion di
e anochi cu lo tuma lugar na Douane
Club na Dakota di 8'or te 10'or.



Dialuna atardi senjor Willem R. van der
Wal Arneman, hoofdkommissie der belasting-
gen na Aruba, a celebra su jubileo di 25
anja di servicio. Den oficina di sr. Van der
Weide, adjunct inspecteur, den presen-
cia di su coleganan, palabra a ser dirigi na
sr. S. D. Bruin hefe interino, como sr. Van
der Weide tabata malu. E orador aki a des-
cribi e hubilario como un homber correcto
y complacente, cu tin placer den su trabao
y ta haci hopi amigu door di su actitud agra-
dable. Tambe coleganan a dirigi palabra,
entre cual sr. E.C. Stede. Sr. A.A. Larmonia
a actua como maestro di ceremonia. E hu-
bilario a ricibi dos envelope di sr. Bruin:
un na number di gobierno y uno na number
di e coleganan.

Falta solamente...3 dia mas! JENA E COUPON AKI ANTO:

Sea asina bon di nota e siguiente
persona como abonado nobo riba
Arubaanse Courant:

NUMBER:

ADRES:

E persona aki a bira abonado door
di:

NUMBER:

ADRES:

ARUBAANSE COURANT

Nassaustraat No. 85

Oranjestad.

Asina cu e abonado nobo u paga su
prime luna, sea asina bon di man-
dani Arubaanse Courant 3 luna gra-
tis, segun buso nres u priminti.

**MANDA NOS E COUPON AKI
MAS PRONTO POSIBEL.**

NOTICIA DI POLIS

Man triminti

ORANJESTAD, — Dialuna atardi
3'or y mei asistencia di polis a worde
paci pa un caballero burachi cu tabata
raci cos di fastioso den un restaurant.
Parce cu e tabatin asina hamber cu e
to por a tene su man na eas y tabata
vinca man den cuminda di otro. El
a worde hiba warda di polis y a hanja
un enarlo gratis.

Choke

Mas o menos 4'or y mei dialuna atar-
di tabatin un choke den Concessielaan
entre e pickup A-4239 y e auto A-7175.
E pickup mancha pa J.L. cu tabata
pasando un fila di auto para mester a
hala mucho na drechi pa un auto cu
tabata bin contrario cu e resultado cu
el a dal ariba A-715 cu tabata para y
esaki ariba su turno a bai dal ariba A-
4239. Total di danjo material, 375
florin.

**FATUM -- Tel.: 1845
pa tur bo aseguranan**

A perde

Alfonso Werleman di Savaneta 348
a perde un cartera brui cu tabata con-
tene 6 florin cu 50 cent, algun portret
y recibo.

A hanja

E dama C. Ras a hanja milar taba-
di brijehi number 11741 den Nieuw-
straat na Oranjestad.

M. Smit cu ta biba na Lago Height
a hanja un bril di solo cu a worde cu-
poni na warda di polis na San Nico-
laas.

Modesto Figarua a entrega na warda
di polis Oranjestad un habero cu cinco
jabi y un „corta hunja“ cu el a hanja
den su pickup.

REAPERTURA DI JOYERIA VAN EER

ORANJESTAD, 27 maart. — Dias-
abra atardi e joyeria di sr. Charly van
Eer den Nassaustraat a ser habri di
nobo den un otro edificio. E joyeria,
cu antes tabata sinja den un edificio chi-
kitu di palu banda di Aruba Bank,
awor a bai den un edificio casi nei di
lanti die, esta unda tabata El Globo pro-
me. E inauguracion a ser efectua dia-
sabrá atardi pa deputado F.J. Tromp.
Hopí amigu y relacionnan a bin ofrece
nan mihor deseonan na sr. y sr. van
Eer. Entre nan tabatin minister E.O.
Petronia, directiva di Aruba Bank, E.
E. Croes, e miembro di Staten E.R.
Finck, hefe di servicio di informacion
N. Piña y sr. Th. Blok, manager di
Spritzer & Fuhrmann. E joyeria nobo
ta guelosamente decora.



Diasabra anochi pa prome biaha e casa ideal di Mario S. Arends N.V. a ser habri pa publico. Cerca e bar den patio nos a topa e arquitecto di e cas excepcional, sr.

Lorenzo Arends entre su amigu y relacionan. D.r.p.d. srs. Arturo M. Arends, Tommy Pietersz, Mario S. Arends, Lorenzo Arends y Leo Berlinski.

Colegio Arubano a worde..

(Cont. di pag. 1)

Ecco Sacerdos

Mari Holterman a declara prome cu el tene e composicion di "Ecco Sacerdos" di senior Vermeulen cu masha gusto ora cu el a vega. "Ata mira e pastor" no unicamente ta "amari", segun e obispo, cu a colica cu e emision ta tambe na e maestra-ria di HBS, unda e theologia moderna ta pone hopi atencion ariba e "ser pastor" en general di e creacione cu tuma su bautizamento na cuenta. "E enseñanza ta un trabao apostolico". E obispo a pidi e cuerpo di maestronan na ta un bon ejemplo, ya cu e maestronan mas parti tin un influencia mas grandi cu e predicamentonan di e moderacion. Pa esun- to e obispo a duna palabra di gradimento na e fundacion y autoridacion y e constructonnan. "Cu e bendicion cu mi a duna e edificio y su habitacionan, lo sigui traha ariba henter e comunidad Arubano.

O-cumenico

"Y ya cu nos ta den un tempo di o-cumenico, mi kier a pidi ds. Jakobs na tuma mi lugar y pa haci e oracion". Asina e obispo a termina su discurso. Y cu un "amari" el a bisa "pero mi ta spera cu lo bo no boi oracion pa e muchanan protestan- tes, pero tambe pa esun- kar- tolico-romano... y pa e obispo". Despues e dami a haci oracion.

Centro Cultural

Den e Centro Cultural e comu- nia a sigui. Despues cu e director di e school senior Van Gompel, a duna un palabra di gradimento y e bon bini na e obispo, gobernador y mi- nister, el a duna palabra na Sr. Go- bernador Debrat.

Ilusion a bira industria

Despues di a duna su felicitacion e Gobernador a bisa entre otro lo siguiente: "Manera boso sabi e siglo den cual nos ta bini e siglo bini ta worde considera como e siglo di em- bionmenton den forma di "revolu- cion" evolucionnan, deformacion- nan of transformacionnan di kibra-

mento of tornamento. Tin hende cu ta pone atencion ariba e deslustra- mien cu a pasa y cu a sonen pa semper, oronnan ariba e posibilidat- nan en tin den e mundo "venidero". Cada un ta su manera fin razon, pe- ro mi ta kere cu lo ta bon si nos pone e atencion ariba un desaroyo harmonico di nos bida en otro. En todo caso e Arubananan a haci es- ki den e ultimo 25 añanan. Mi por muestra boso cantidad di trabaoan, institucionnan y previsionnan, cu algun anjanan pasa ainda na taba- ta existi. Mi ta pensa ariba e camin- dacion y hotelnan na motibo di cual e turistanan ta banja e oportunidad di goza di e awa calmo di Palm Beach y e awa bruto di Andicuri, pero tam- be di e formacionnan di piedra na Casibari y ayo. Mi ta pensa ariba e previsionnan social y e institucionnan cultural en algun anjanan pasa taba- ta unicamente ilusionnan y e trabao- na nobo di industria, cu desde cor- to tabata worde considera sonien- di sonidornan.

Mi ta pensa tambe min- ionalmente awor cu nos ta den un institucion nobo di enseñanza, na e enseñanza ariba tur nudo e siglo aki na Aruba. Personalmente mi a conoce un tempo cu Aruba tabatin unicamente al- gun kienter-schoolnan y algun school- na pa estudio menor. Pa sigui Mulo e Arubananan mester a bai Corsow, hovi di nan mi a contra pa promer biaha na e conecion internan di e fraternidad cu ya no ta existi mas, e St. Thomas College, e Colegio Sto. Tomas. Awe hende nor mira cu Aruba tin un cantidad di sonienan di school den diferente exemplarnan. Mi no kier bai na un splamato ex- ceto.

Enseñanza ta e base pa tur desar- yo. Caminda tin desaroyo di ense- ñanza ta e base pa tur desaroyo. En- señanza ta e base pa tur desaroyo. En- señanza ta e base pa tur desaroyo.

Minister Petronia: crecimiento

Minister Petronia a papia ariba e crecimiento enorme di Colegio Arubano. El a conta con ya durante hasta tempo tabata existi e deseo pa cuminsa cu enseñanza mas avan- za. Desde 10 anja pasa diferente Mulo schoolnan tabata elanen di HBS, cu tabata duna un curso di tres anja. Tambe den e rapport di enseñanza (plan di cinco anja) a worde avisa cu e isla aki tabata e necesidad di un school mas avanza. "Awor un otro esfuerzo a logra un di e bopinan en durante e ultimo anjanan e obra. "Awor ta posibel cu e muchu Arubano nor keda mas tempo na su mes- tera y su familia. E.H.B.S. aki ta un di e proyectonan di mas principal pa Aruba, anke cu e ta menos riparable.

E minister a termina danduna co- mo su deseo, cu e cooperacion entre e diferente partidonan, cu a resulta den e trahamento di HBS, lo nor bira un ejemplo pa e otro islanan na Antillas.

Un momento grandi

Denatado Wernet tambe a yama e fundacion di e HBS un momento grandi den e desaroyo di Aruba. Den un corto manera senior Wernet a solica con na anja 1938 e promer Mulo na Aruba a worde funda, con e promer school di ofishi pa muchu homber a worde funda na anja 1946, e promer Mulo school cu klasnan di HBS na anja 1949, e promer school di ofishi pa muchu muchu na anja 1954, e promer school di ofishi pa muchu homber cu klasnan avanza (UTS) na anja 1956, e HBS cu tres klas ariba su mes na anja 1959 y e HBS cu cinco klas en un kweck- school na anja 1960. Senior Wernet a bisa cu semper e gobierno di Aruba, cu wovonan habri pa e desar- yo di enseñanza. Pero como cu e autoridacion na kier a tuma riesgo y tabata kier ta conveni promer cu e HBS lo tabata util aki e construc- cion a tuma hopi tempo. E di- putado a declara con pa motibo di e tension cu extendi e enseñanza di ofishi lo tin e modo pa traha e d' dos HBS na Aruba. Pero tumando pa cuenta e manera con e directiva di e school ta cumpli cu e condi- cionnan di Bestuurs College y ta stimula e religion tambe na esun- nan cu e ta kere cu e HBS ta na des- co cu e eta kere cu e HBS ta na des- co di tur hende.

Estudio pa onderwij-zer algo excepcional

Senior Sprockel, inspector di on- derwijs a habri su discurso cu e pa- labranan "existencia di un middel- bare school den un comunidad ta algo pa loqual falta palabra pa des- cribi'e. Su influensia ta alcanza je hopi mas alor". Despues cu senior Sprockel a trese dilanti con e leraar- nan di HBS ta bai comprende na ta- reg especial den comunidad mas mi- hor, el a muestra riba e co- n- d- cencia, cu actualmente ta net un siglo pasa en e minister Hulandes Tor- hecke a duna HBS pa via di su ley su lugar valuble den e com- plejo di institucionnan di educacion. Anke HBS den principio no tabata destina como na sorto di educacion pa pueblo, e prosperidad cu ta avan- za y desaroyo cultural di e pueblo Hulandes a democratiza e sorto di educacion aki mas.

E inspector a splica con net actual- mente e ley di Thorbecke bleun lo worde remplaza pa uno mas moderno e tal "Mamoetwet" cual tambe pa Antillas lo ta di gran importancia Sr. Sprockel a declara cu e mammoetwet mester worde efectua tan pronto pos-ibel na Antillas tambe, como cu e ley aki ta brinda hopi posibilidatnan pa e pais en cuanto adapcion di middelbare onderwijs na e propio necesidadnan. "Aluda middelbaar onderwijs ta un co- sia di e M.O. Hulandes. Ta bira tem- pu cu e sistema aki ta worde reempla- za pa un otro, na cual e M.O. por ser adapta na e necesidadnan di e pueblo, sin perjudica e base."

Un aspecto singular di Colegio Arubano e inspector a jama e prepa- racion pa onderwijzer. Segun el du- na di conoce Colegio Arubano taba- ta e promer estudio pa onderwijzer na unda nan tabatin den futuro y cual lo entrega pa prome biaha e awa aki un grupo di onderwijzer cu a worde prepara completamente segun un sistema nobo. Ora cu e stu- dio di kweckschool a cuminsa pa prome biaha na 1960 na Colegio Arubano nan a haci esey directamen- te a base di e kweckschoolwet, cual a elee cu na 1952 na Hulanda, con- trario di Corsow. Na Corsow tur kweckschool tabata traha na e mo- mento ey ainda segun e ley di pro- me cu 1952. E ehempel Arubano a worde sigui despues pa Corsow.

No tin gym

Na number di leeringverenig- ing a papia despues Jan Vene- ma, cu a bisa di ta contentu cu gracias na e directiva di school y Elandsraad Colegio Arubano tin un edificio nobo awor cu un cuerpo di leraar excelente. Sin- embargo e tabata banta lastima cu e school ainda no tabatin un gym- nastieklokaal y aula. Tambe Jan Venema a hancia cu e school ta- batin asina poco decoracion. Pa mehora e ley e leeringverenig- ing a dicidi pa den cercano futu- ro na ofrese e school alcuq decora- cion, traha pa e alumnonan mas destaca. E plananan neces- rio e vereniging lo colecta door di algun actividadnan. E ora Jan Venema a ofrese como prome prueba di e bon intento un d' sen- io di Nigel Matthew na e presi- dent di e directiva di school Jos- sy Tromp.

Sr. Tromp como ultimo orador a gradici Mgr. Holterman y ds. Jakobs pa e manera sublime cu nan a con- tribui na e bendicionamento di e school. Tambe el a gradici e hovi or- adornan uno pa uno. El a de- clara di ta contentu cu actualmente e eader ta worde desarolla na HBS pa e venidero proyectonnan Aruba- no. Ya eaba e mes a constata na be- stuurskantor con e alumnonan bieu di Colegio Arubano ta desta- ca nan mes na nan calidad.

Senior Josy Tromp a haci un re- lancia na denatado Wernet na juda e alumnonan pronon na hancia un gymnastieklokaal y aula. (aplauzo)

YABI pa bo exito

SPECIALMENTE PA SEMANA SANTA

nos a ricibi un lote exclusivo di **BISTIR**
BLANCU, GRIS, BINJA Y PRETO
den ultimo moda, y den tur tamanjo

La Linda

Estableci

JUAN B. WIX

Abogado

Asocia cu mr. H. C. WILLEMSEN

Nassaustraat 134 — Tel. 1996 - 1997

PANAMA STORE

a ricibi otro lote nobo di TIRE den
TUR SIZE na prijsnan masha especial,
solamente FL. 15.50 pa un.
Tambie muebles na prijsnan masha atra-
ctivo.
CAMA DI DOS PERSONA cu colchon y
matras, for di FL. 95.— pariba.
CAMA DI UN PERSONA for di FL. 47.50
pariba.
Y hopi otro articulo mas na prijsnan
sin competencia.

OFICINA MARITIMA DE ARUBA

Tel.: 2664 - 1622

Empaquetamiento de Muebles

Carniceria Principal

Wilhelminastraat No. 69

ta specializa den **HAMBURGER**,
SAUSSESI y **BLINDE-VINK**.
Semper na existencia
TUR CLASE DI CARNI FRESCO.
Nos ta entrega bo pedidnan na cas,
JAMA TEL. 3254

AVISO

Commandante di mari-
nierskazerne "Savaneta"
na Aruba, ta participa cu
dia 28 di maart 1963
di 07.00 pa 13.00, lo te-
ne ehercicionan di tira na
Californië (Aruba).

E terreno peligroso riba
laman ta 3.000 m. for di
costa y den laira 1000 m.

E terreno peligroso lo
ser cerca cu banderanan
cora y bordchian di avi-
so.

Sr. Sprockel a contesta e orador, cu e tabata contentu cu e trabao di pionier na Aruba actualmente tambe ta worde realiza na e otro islan- nan.

Tape

E reunion den centro cultural a worde clausura pa 11.30'or cu entre- ga di un tape recorder pa Sr. C. de Mildt, director interior di Aruba Boekhandel na Sr. Van Gompel. "Nos oficio ta estrechamente rela- cion cu onderwijs", segun Sr. de Mildt. Senior Van Gompel tabata masha sorpresa pa e regalo aki.

"PINTADOR LIHER" FUHN NA ARUBA

ORANJESTAD, 27 maart. — Actual- mente ta na Aruba e "pintador liher" David Fuhn, un sorto di globetrotter ar- tistico, cu na anja 1939 ya a bishita Hulanda, caminda el a demostra loke e por y cu durante tempo a pasa door di diferente continentenan y cu awor desde algun dia ta na Aruba.

Senior Fuhn ta biaha sin travellers che- ques of cuentan na banco. E gasta- nan di su biaha, cuminda, lugar pa keda e ta gana door di pinta caricaturanan di e hendenan na e lugaran en e ta bi- shita, pa un prijs masha abao. Tam- be e ta hende pinturanan.

Senior Fuhn na e momento ta ariba e ultimo pida di su biaha rond di mun- do. Unabez en esaki a sosode, e ta spera di publica un buk di scirbi y ilus- tra pa su persona, cu e titulo: "Round the world without money". Senior Fuhn ta soltero y 10 anja pasa el a hanja e nacionalidad Brazileno. El a declara di ta papia siete idioma.

Avisa den
**ARUBAANSE
COURANT**
y compara e
resultado!

STOOF MARCA WELBILT

* e stoof cu
„Burners-with-a-brain“
Famoso pa su construction adecua-
do y hancanan „Heat-shield“ pa
proteccion di cabinet.
Obtenibel den varios model, y dife-
rente colornan atractivo.

ARUBA TRADING CO.

TA HUUR CAS Ariba

situa den Marktstraat 2, San Nic.
(banda di warda di polls).

ADECUADO PA CAS DI FAMI-
LIA. - LUGAR PA CONSULTA -
OF OFICINA.

Pa informacion tel. 5039.

Un joven activo

puede conseguir empleo en
una oficina de representa-
ciones.

Buena perspectiva.

Dirijase a ABC, redaccion de este
Diario, Nassaustraat 85, Oranjestad.

AWOR BO POR CUMPR REFRIGERADORA MARCA „HOTPOINT“ di corriente

Awor cu wiel,
hopi capacidad,
gasta menos corriente
y ta fria mucho mihol!

GRAN FACILIDAD DI PAGO

ARUBA TRADING CO.

Herstel Van Levenskracht, Kleren Verjongd in 24 Uur

Het is niet langer noodig te lijden aan
verlies van kracht en mannelijkheid,
zwak geheugen en lichaam, senouwer-
heid, onzuiver bloed, ziekelijke huld,
gedructheid en slechte slaap, omdat een
Amerikaansche dokter een snelle en ge-
makkelijke weg heeft uitgevonden, om
een eind aan deze kwalen te maken.

Deze ontdekking, in aangenamen, gemak-
kelijk in te nemen tablet-vorm, is be-
slust onschadelijk, maakt klier-operaties
overbodig en geeft duizenden nieuwe
kracht en jeugd. Het werkt direct op de
klieren en zenuwen en brengt nieuw, rijk
bloed en kracht in uw aderen. Binnen 24
uur: ziet en gevoelt ge U zelf jonger wor-
den. Uw oogen schitteren, ge gevoelt zich
levenlustig en vol jeugdige kracht en
energie.

En deze verbazingwekkende, nieuwe
klieren krachtteller, Vi-Tabs geno-
emd, wordt gegarandeerd. Zij is door
duizenden in Amerika beproefd en wordt
thans door apothekers verkocht met de
garantie van volledige voldoening, of Uw
geld terug. Vi-Tabs moet U zich vol krach-
ten en energie van 10 tot 20 jaar jonger
doen gevoelen, of U zendt eenvoudig het
ledige pakje terug en krijgt Uw geld terug.
Een speciale, dubbel-sterke fles met 48
Vi-Tabs kost wel-
kegen de garantie
heschermt U.

Herstelt Mannelijkheid en Levenskracht

CISCO KID presenta pa cortesia di **ARUBA BOTTLING COMPANY** e promer fabrica di refresco na Aruba, cu e productonan mas gusta y mas pidi. **NESBITTS** e refresco sin igual.

1. „Poher Pancho probablemente e tabata trata di saca e bestianan ora cu e barco a hula“.
2. Cisco ta keda para ora cu e tende un sonido fami- liar.
3. „Diablo, ta aho Diablo!“



PEPITA pa cortesia di: **Antillian Hardware Co**
E mehor adres pa VERF, KWASHI, TUR CLASE DI HERMENT, articulos sanitario.

1. Unda bo ta bai Pepita?
- Na un show di moda.
- Pierre de Paris ta exhibi su ultimo creacionnan.
- Bo lo no gusta mirami cu un bistir di Pierre?
- No lo interesami pa mira Pierre mes! Kere mi!



UN CAMBIO DEN COSMETICA

Un Placentubex un era nobo
ta cuminsa cu cuido di belle-
za. Placentubex ta haci e ex-
traction stimulan- te di e pla-
centa penetra profundamente
den cutis y ta rejuvenece esaki
den un manera completamente
natural. E placentu den cara
ta dispare, e cutis envejece
y cansa ta bira duni y liso.

E uso di Placentubex ta masha
simpel: bo ta huntu un capa
fini y despues bo ta huntu
crema Sevilan of un otro
crema vet.

PLACENTUBEX
ta fortifica y rejuveni
bo cutis.

PLACENTUBEX "C"
ideal pa den dia
PLACENTUBEX "B"
pa embellece busto
SEVILAN — creme, loclon y jabon!

Productonan di **MERZ & CO.**

Distributors:
ARUBA: BEAUMEDICAL „3344“ **CURACAO COMMERCIAL CO.**
TEL. 3344. Curacao, tel. 24054.

Obtenible cerca tur botica, supermercado y casnan di categoria.

A. CURIE: prome Gobernador Sunamenjo

DEN HAAG, 27 maart. — Servicio Informativo di reludo na Den Haag a participa, cu senyor A. Curie a worde nombra gobernador di Surnam. Ayera mainta el a luna como gobernador na palacio Soestdijk. Senyor Curie ta e prome Surnam, cu a wordi nombra definitivamente gobernador di su pais. For di 19 di maart di anja pasa, despues di retiro di senyor Van Tilburg, el a keda cu e puesto provisionalmente. Archibald Curie a nace dia siete di maart 1889 den distrito Beneden Cotteica.

TUR HOTEL NA ZERMATT A WORDE SERA

ZERMATT, 27 maart. — Tur hotelnan den e centro di deportacion di invierno na Suisa, Zermatt, a worde sera a consecuencia di e epidemia di typhus cu tin eyan, asina nan a participa ayera nuchi na un conferencia di prensa. E huespednan di e hotelnan lo worde evacua. Den e ciudad en ta situa na pia di e serri Matterhorn tin 65 hotel cu por hospeda 3650 bishitante. Te cu siman pasa tabatin siete mil turista den e ciudad. E donjonan di hotel ta calcula cu awor aki sesenta por ciento di tur eumanan disponible ta bishita. E unico lugar unda tur lugar ta veni ta e hospital di emergencia. Den e tin di siman cu a pasa tabatin dies casa nobo, Tan leu cu ta conoci, te awor des hende a muri di e enfermedad.

Aunque en e decision pa sera hotel y restaurantnan na Zermatt ta drenta in restaurantnan na Vigor, nan tin mas di keda abri te fin di e siman aki, pasobra nan no kier corre cu e huespednan. Den henter Suisa tin mas di 180 persona cu a banja typhus na Zermatt den hospitalnan.

Entre tantu nan a descubri ayera cuater caso nobo na Inglaterra. En total tin 43 persona cu e enfermedad ey na Inglaterra.

KESTION DI TELEVISION CU PROPAGANDA NA HULANDA

DEN HAAG, 27 maart. — Secretario di estado di enseñanza, arte y ciencia, mr. Scholten, a duna ayera den nomber di gobierno den prome instancia un declaracion den cual e ta bini bek riba su declaracion di clarifican pasa.

Senyor Scholten a participa anteriormente cu el a tende di „Bredespressant“ cu e anja aki mes nan lo pone den aire un segundo emisora Aleman di television cu propaganda, cu nan lo por simonisa tambe na Hulanda.

Senyor Scholten a declara, cu e actual gabinete lo no por duna concesion pa un segundo emisora durante e periodo corticu pa eleccion.

El a bisa cu door di desatencion di e ultimo luna nan a banianan asina perva cu tempu cu un concesion prome cu 15 di mei ta imposibel.

Despues di e tratamiento di un nota hopi di e personanan presente kier a felibera pa papia tocante ehecutio practico.

ELECCIONNAN NA SURNAM

PARAMARIBO, 27 maart. — Net seis or atera tardi e oficianan di eleccion na Paramaribo a serra y nan a cuminsa conta e cantidad di personanan cu a bai vota. Den districtonan e oficianan di vota a keda habri te och'or dianochi. Awe nan lo cuminsa conta e cantidad di votonan. Nan ta spera cu awe mes nan lo por duna resultadonan oficial. E eñan oficial lo wordi publica te despues di ultimo dia. Na Paramaribo e votamentu a transcuri masha ketu. Ningun caminda tabatin irregularidadnan. Solamente den distrito Saramacca nan a conee un tontu cu e carnacion di vota. Nan a descubri esaki ora cu un cantidad grandi di habitantenan di distrito aki a vota eha. E tontu aki lo no bisi nada pa e lista di pais, pero pa lista di distrito esaki lo tene eha eha eha.

GOBIERNO SURNAMEO TA YUDA TRAHA UN PISINA NA MOENGO

PARAMARIBO. — Den un esfuerso pa drecamento di e „elima pa biba“ den e districtonan di Surnam, e coaseho di minister di Asuntunan Interior pa duna e suma cu falta pa trahamento di un piscina publico na Moengo. Ya e habitantenan a duna un suma, mientras Surameo a declara di ta di acuerdo pa yuda. Ora cu e piscina publico ta cla e ministerio di Encenjanza y Desaroyo Publico lo penejanza y landamento di e muchanan di school na Moengo.

E bishita di Von Brentano na Merca

BONN, 27 maart. — Merca ta convenci di e interes di e alianza atlantica, pero e ta pidi tambe solidaridat absoluto y cooperacion franco di su aliadonan. Asina e servicio di prensa di e partido di canceller Aleman di Alemania, Union Cristian Democrata, a participa ayera.

Nan kier un continuacion di e politica pa unificacion di Europa, di moda cu na debito tempu un Europa uni por bira e partner fuerte di Merca. E servicio di prensa a duna e declaracion ey en conecion cu e bishita, cu Von Brentano, ex minister Aleman di exterior y actualmente president di e fraccion di e partido Cristian Democrata Uni den parlamento Aleman, a haci na Merca.

Segun president Kennedy nan a for-

ROBO NA HAMBURG

HAMBURG, 27 maart. — Ladroneja a horta ayera nuchi den un paus grandi na Hamburg Mercancia di un balor di en total 90.000 florin Hulandes. Nan a haci uso di un o mas truck pa bai cu nan articulonnan horta. Polis di Hamburg ta kere cu e ladronnan a drenta via un buracu pa luz ariba den e edificio. Nan tabatin interes principalmente pa joyas, holoshi y aparatonan electrico.

TEMBLOR DI TERRA NA PERSIA

Nan a hiba mas libe posibel awe remedio y tentan pa e territorio cerca di Kermanshah na West Persia, caminda miles di persona a pasa a nuchi alo bao di temperaturanan bao di zero. Tabatin awe atrobe den dea e territorio aki tembloran di tera, cu a laga ehozanan di lodo di daga, cu a laga ehozanan di lodo di daga, cu a laga ehozanan di lodo di daga, cu a laga ehozanan di lodo di daga.

Cooperacion entre KLM, Viasa y Yberia

DEN HAAG, 27 maart. — E companianan di avion, KLM, y Viasa cu ya tin dos anja di cooperacion estrecha cu otro a decide, segun KLM ta participa, pa cu fecha prome di april firma un acuerdo cu e compania Spanjo di avion, Yberia, pa integra e aeral red di rutanan di e companianan aki riba e trayecto entre atlantico.

E consecuencia di e combinacion, nobo aki ta segun KLM, cu e itinerarianan di e tres companianan lo worde combina cu otro v cu door di esey ta banja un expansion mas eficaz di e comunicacionnan aerea.

E companianan, cu tur tres ta haci uso di avionnan DC-8 di e tipo Jet, lo bai coopera estrecha tambe riba ter-

MOVIMIENTU FRANCES DI HUELGA

PARIS, 27 maart. — Lidernan di e sindicatonan comunista y catholico, e sindicatonan di mienecnan di school y sindicatonan a declara na Francia, cu nan lo desobediencia si ta posibel un accion masal pa defende nan derecho pa huelga. Tambe nan a pidi pa colecta mas placa pa e mienecnan cu ta huelga.

E sindicato socialista no a participa na e reunion, na cual nan a participa e declaracion.

Minister di informacion, a pidi den e entrevista di television y mienecnan cu ta huelga pa no tree e pais den un chaos economico.

CINCO Y SEIS

Resultado di e caredanan di dia 24 di maart di 1963.

CABAINAN GANADOR

Promer careda: Uapopi 48 kilo di preparador V. Aleman cu jinet Luis Bolivar. Distancia 1600 metro. Tiempo 102 1/5 sec.

Di dos careda: El Exilado 50 kilo di preparador C. Munoz C. cu jinete Walter Carrión. Distancia 2000 metro. Tiempo 127 2/5 sec.

Di tres careda: Telnio 49 kilo di preparador Millard Ziadie cu jinete Teofilo Tosta. Distancia 1400 metro. Tiempo 85 2/5 sec.

Di cuater careda: Santander 49 kilo di preparador D. Noguera cu jinete Manuel Camacaro. Distancia 1800 metro. Tiempo 114 2/5 sec.

Di cinco careda: Carden 50 kilo di preparador V. Aleman cu jinete R. D. Guzman. Distancia 1300 metro. Tiempo 79 sec.

Ultimo careda: Armando F. 51 kilo di preparador A. Fernandez A. cu jinete H. Rengifo. Distancia 1200 metro. Tiempo 74 sec.

Orden di yegada completo.

Promer careda: 1 Uapopi, 2 Persian Rock, 3 Apletoro, 4 Xie, 5 Europa, 6 Banderillas, 7 Agorero II, 8 Sativo, 9 Alter Ego.

Di dos careda: 1 El Exilado, 2 Vilcapugio, 3 For Ever, 4 Gran Trece, 5 Kiri Carson, 6 Surcouf, 7 Evening, 8 Tael, 9 Azopardo, 10 Estelar.

Di tres careda: 1 Telnio, 2 Perfilador, 3 Coliseu, 4 Sam Lord, 5 Enamorado, 6 Nagui, 7 Bregador, 8 Rumor, 9 Uruma, 10 Final Trial, 11 Hechizo.

Di cuater careda: 1 Santander, 2 Lonfellow, 3 Heraldo, 4 Callico, 5 Barbablanca, 6 Generalismo, 7 Gloster, 8 Aguijon, 9 Taruguita, 10 Bello Hyp, 11 Carretel, 12 Rangelan.

Di cinco careda: 1 Carden, 2 Plave, 3 Taiwan II, 4 Balcas, 5 Recife, 6 Elvira, 7 Tainero, 8 Boulevard, 9 Endimion, 10 Viscont, 11 Carnaval, 12 Rita.

Ultimo careda: 1 Armando F., 2 T.V. Leetric, 3 Algarrobo, 4 Ringo, 5 Polichinel, 6 Tanteo, 7 Reina, 8 Tempestad, 9 Campanario.

Ningun promer favorito di catedral no a gana, pero asina mes a resulta cu 30 pueblo cu a gana ganador. Cu 5 cabai ganador tin 1720 cuadro.

El cuadro cu 6 cabai la gana cada uno Bs. 10.281.55. Y cuadro cu 5 cabai ta gana cada uno Bs. 330.75. Tabatin sella 308.163 formulario pa un valor di Bs. 3.026.884. Nos ta mira cu ya ta mas cu un siman sigui cu e cantidad hunga ta supasa tres milyon Boliviar. E hungadornan ta hayando dia pa dia mas confianza den e 5 y 6. Nos no ta considera e resultado di e siman aki un mercado liber como nos creterio pa mercado liber ta cu e 6 cabai mester paga menos cu Bs. 10.000. Tambe e dividendo di 5 cabai cu ta Bs. 330.75 ta un razon pa nos no papia di mercado liber. Nos lo bisa ta un resultado satisfactorio. Con e cabainan a corre?

Ya den e promer careda nos a banja e sorpresa di Uapopi cu a gana cu 2 cuerpo dilanti di e favorito Persian Rock. Persian Rock cu a trata di gana e careda di punta-punta a alfoha den e ultimo stretch y duna Uapopi chens di gana e careda facilmente.

Den e segundo careda atrobe El Exilado a aleanza e triunfo dilanti di e favorito Vilcapugio cu a gasta mucho energia den su lucha cu Gran Trece. Bregador e linea nacional tampoco a logra gana di tres careda. Telnio di e majico preparador Ziadie cu „Junba cuadro“ Teofilo Tosta a resulta e triunfador. Perfilador a mantene su number di „terno segundo“.

Den di cuater careda e segundo favorito Santander a logra e victoria cu mei cuerpo dilanti di Lonfellow. Callico a bolbe malogra den e careda. Na ultimo ora cerca e meta Carden a logra aleanza y pasa e gran favorito Plave cu a domina un gran parti di e careda.

Den e ultimo careda Campanario e gran favorito, un ehemplar invitado a tumba su jinete Walter Carrión. E ora e lucha a keda entre T. V. Leetric y Armando F. cu a logra e victoria. Campanario di e moda aki a perde su invictio.

Actitud di autoridadan Suiso durante epidemia di tyfus

BERN, 27 maart. — E federacion medico di Suiza a expresa ayera nan admiracion tocante silencio cu e autoridadan a tene despus di eumunzamentu di e epidemia di tyfus na Zermatt. Tampoco e autoridadan aki a anuncia e poblacion pa avisa toeristanan na tempu.

Nan ta muestra, cu te poco tempu paas nan a tene na Zermatt competencianan di ski, cu no mester a tuma laga.

Tin actualmente te un mil toerista na Zermatt. Un departamento medico di 120 homber di exercito ta combati epidemia, yuda pa voluntarianan di Cruz Roja y docternan. Miles di habitante di e pueblo bisti na rouw a reuni ayera mainta na e plaza dilanti e misa local pa derra senjora Bertha di 62 anja, cu ta e prome victima di e epidemia.

DIPLOMATICO CUBANO MESTER BANDONA CHILI

SANTIAGO, 27 maart. — E segundo secretario di e embahada Cubano na Santiago na Chili, Alfredo Garcia, a worde declara persona non grata y e mester bandona Chili.

Parce cu el a trata pa alcansa e resolucion di e avion Boliviano cu un certificado falsifica. Manera ta conoci tabatin dos mensajero di Cuba bordo di e avion ey.

APOYO FINANCIERO PA BRAZILIA

WASHINGTON, 27 maart. — Embahada Brasileira na Washington a participa, cu Merca lo fia Brazilia 398 milyon dollar pa drecha nan situacion economico den e pais, 84 Millon dollar di e suma total aki lo wordu entrega inmediatamente.



E famoso torero Spanjo, Miguel Cardenas tabata tin hopi cos den su cabez. Pasobra ora e tabata entre Cordoba y Bujalanco na Spanje, el a sali for di caminda cu su auto y a bai cai cu su cabez den lodo. Y pa colmo tabata tin un bojalista huntu cune den auto, kende a sali for di e auto sin ningun rasgo y a cuminsa haci uso di su camera.

J. B. WIX A TUMA HURAMENTU

ORANJESTAD, 27 maart. — Ayera mainta sr. Juan B. Wix a ser lura como abogado dilanti di Corte di Husticia na Corsow. Senyor Wix a asocia su mes cu mr. H.W. Willenssen na Aruba.

BRINGAMENTO NA TANKI LEENDERT

TANKI LEENDERT, 27 maart. — Manera nos a anuncia ayera eha, dia luna atardi mis o menos 6'or tabatin un bringamento masha grandi na Tanki Leendert, na cual tabatin dos victima y unda S.E. Gobernador N. Debirot a duna prome asistencia medico. En total tabatin 10 homber bringando cu otro usando botter y piedra como proyectiel di batalla. Pa plama e hendenan cu tabata bringa for di otro polis mester a tira un tiro di aviso den laria. E ora ey asistencia di mas polis a worde pidi pa pone orden. E asunto a worde investiga y a resulta cu tabata un bringamento entre un tal F.D., M.D. y J.G. Nan a stop di bringa y e dos D. nan y G. a bai pa noord di e cruzada di caminda di Tanki Leendert pa Tanki Flip, caminda mas persona a cerca, entre otro un tal J.F. Aya nan a cuminsa un bringamento na gran escala haciendo uso di botter cu piedra. Nan a dal F. y probablemente el a banja un botter contra di su cabez.

Un pida glas a drenta net dilanti su orea robez y a herida su seso. E situacion di F. kende a worde transporta pa hospital, ta masha critico. E.D. tambe a worde herida, pero despues di a banja tratamiento medico el a worde cera. Tambe a worde encarcela M.D., F.D., T.D. y J.G.

CINCO BEURS DI N. U. DESPONIBEL PA SURNAM

Senyor J.P. Foernier di Technical Assistance Bureau di e organizacion di Avion Civil a confirma den un conferencia cu senyor W.M. de Miranda, minister di Trabaoan Publico y Trafico, e judanza tecnico di Nacionnan Uni pa Surnam ariba terreno di avion. Ariba encargo di Nacionnan Uni, ICAO en cooperacion cu e autoridadan di Trinidad na Port of Spain lo cuminsa cu un Training Central Regional pa e personal di avion.

Surnam lo banja cinco beurs pa e curso aki. Pronto un experio di e curso aki di trafico aereo lo ta seis luna disponible na e hefe di Servicio Aereo, mientras cu den e segundo mitar di e anja aki un experio di pagamento di candelu lo duna e personal di Zanderij un curso den e tecnico moderno di paga candelu na aeropuerto. Durante su estadia cortico na Surnam senyor Foernier a banja e ocasion di studia e organizacion di Servicio Aereo, di cual e tabata sumamente satisfeco. Cu un avion di KLM el a sigui su bishia di inspeccion anual cu lo dura dos luna y durante cual e lo bishita 22 pais.

CONDOLENCIA HULANDES PA DESGRACIA NA BALI

DEN HAAG, 27 maart. — Minister Hulandes di asuntunan exterior mr. Luns a manda su colega Indones, dr. Soebandrio for di Zurich e siguiente telegram.

Sea asina bon di acepta nos condolencia pa pueblo Indones cu e erupcion vulcanico na Bali a azota. Cruz Roja Hulandes ta manda cu avion ayudo material.

CONTACT CU NAVIO ESPACIAL

E agencia Ruso di prensa „Tass“, a participa cu nan tabatin contacto via radio cu e navio espacial Ruso „Mars I“, cu ta na un distancia di mas di 107 milyon km. di mundo. E cohete cu a wordu lansa siete luna y mei pasa, lo alcansa planeta Mars banda di medio juni.

BO HOROSCOPO PERSONAL

ARIES 21 Maart — 20 April



TAURUS 21 April — 20 Mei



GEMINI 21 Mei — 20 Juni




CANCER 21 Juni — 22 Juli




LEO 23 Juli — 22 Augustus



VIRGO 23 Augustus — 22 September



LIBRA 23 September — 22 Oktober



SCORPIO 23 Oktober — 22 November



SAGITARIUS 23 November — 21 December



CAPRICORNUS 22 December — 19 Januari



ACUARIUS 20 Januari — 18 Februari



PISCES 19 Februari — 20 Maart



No laga bo trabao y deber bai dilanti awe, no sinta sona cu ilusionnan bo por worde deilusiona.

No spera mucho exito si ta trata di finanzas. No fia placa y tampoco fia di otro, no tuma chens.

E contacto cu bo esposo o cu e publico por ta poco malu, no spera dimas di otro.

No laga bo trabao sufi biao di pensonnan personal, keda calmo y no perde bo cabez.

Aspersionan ta favorable pa di favorance, pero tene un bista riba e gastonan.

BUCHI ROBEZ presenta pa cortesia di: PIET'S SODA FOUNTAIN tel. 2123

★ e mehor adres pa snacks, tur clase di dushi, softdrinks, ice-cream y revistas



KIDNEY AID FOR RHEUMATISM PAIN

After 35, many women and men are made miserable by common urinary disorders. Waste impurities and bacteria often irritate the delicate passages from the kidneys. Then you can feel tired, old, nervous and suffer from rheumatic pains, such as backache, aches around joints, neuralgia or neuritis. For these troubles, thousands are finding joyous fast help with the urinary antiseptic and pain relieving action of CYSTEX. Then kidneys act well, pains go and sleep is refreshing. You feel younger and more energetic. Get CYSTEX from your drug store today and see how refreshed you feel.